



## GRUPACIJA ŠPEDITERA-LOGISTIČARA PRI UDRUŽENJU POSLODAVACA FBIH

Mula Mustafe Bašeskije 12/3  
BIH – 71000 SARAJEVO

Sarajevo, 25.01.2013.godine

### ZAPISNIK

Sa vanredne sjednice UO Grupacije špeditera - logističara pri Udruženju poslodavaca održane dana 25.01.2013.godine od 10,00 sati u prostorijama društva BIHATEAM doo Sarajevo.

**Prisutni:** predsjednik UO Grupacije Arbelšped doo Sarajevo Fadila Poplata, i članovi Schenker doo Sarajevo Salko Kruho i Zdenko Pehar, BIHATEAM doo Sarajevo, Hamed Šivšić, Interherc doo Mostar Dado Topić, Rhea Express doo Sarajevo Faruk Šahinagić, Intereuropa RTC Senad Demir, i gosti Udruženje poslodavaca FBIH, direktor Mladen Pandurević, Gebruder Weiss Almir Jonuz i Viator Vector Mirsada Ahmedić.

**Opravdano odsutni članovi:** DHL International doo Sarajevo, AGS doo Sarajevo, Meridian ad Banja Luka i Intagent doo Mostar Vladimir Pejičić

U odsustvu sekretara Grupacije, zapisničar je izvršni sekretar BIHATEAM doo Sarajevo Dženana Gorančić.

Gospođa Poplata pozdravlja prisutne u svoje ime i otvara sjednicu UO Grupacije špeditera-logističara i predočava predloženi dnevni red.

Predložen je slijedeći:

#### DNEVNI RED

1. Priprema za sastanak sa Direktorom UINO BiH;
2. Implementacija Naredbi o nadležnosti Carinskih ispostava za carinjenje roba afričkog i azijskog porijekla;
3. Tekuća pitanja

Gđa Poplata otvara sastanak UO, pozdravlja prisutne i predlaže dnevni red. Gosp.Šivšić predlaže da se najprije diskutuje o Naredbi UINO BiH vezano za nadležnost carinskih ispostava i da se nastavi sa obradom tema za sastanak sa gosp.Džakulom zakazanim za 01.02.2013.godine u Sarajevu, u stvari da se ove dvije tačke spoje u jednu.

**Tačka 1. Priprema za sastanak sa Direktorom UINO BiH;**

**Tačka 2. Implementacija Naredbi o nadležnosti Carinskih ispostava za carinjenje roba afričkog i azijskog porijekla;**

Nakon stavljanja van snage svih predhodnih naredbi o nadležnosti carinskih ispostava, dana 18.01.2013.godine UINO BiH je izdala novu Naredbu o nadležnosti carinskih ispostava za carinjenje određenih roba porijeklom iz Azije i Afrike, a koja je odmah stupila na snagu, i odmah svorila ponovna ograničenja u pogledu carinjenja.

Gosp.Pandurević prenosi informaciju da je po saznanju za novu naredbu, odmah kontaktirao Premijera i informisao o novoj naredbi, također je kontaktirao gosp.Džakulu, koji je potvrdio svoje i prisustvo gosp.Cvjetinovića na sastanku koji organizuje Grupacija špeditera-logističara pri UPFBiH u Sarajevu.

Sastanak sa drugim špediterskim firmama sa područja Bosne i Hercegovine prvobitno zamišljen kao omasovljavanje Grupacije špeditera-logističara, proširuje se prezentacijama vezanim za probleme koje je izazvala nova Naredba o nadležnosti carinskih ispostava, kao i pitanjima oko korištenja carinskih garancija i radnim vremenom na carinskim ispostavama, uz prisustvo predstavnika UINO BiH.

Sastanak će se održati 01.02.2013.godine od 13.00 sati u prosotrijama ASA HOLDINGa.

Gosp.Pandurević dalje konstatuje da se na ovom sastanku neće doći do rješenja problema, ali da je važno nastaviti dijalog dok se ne postignu prihvatljivi uslovi za sve uvoznike. Traži da se dostave teme koje će biti diskutovane na sastanku 01.02.2013.g., kao i spisak pozvanih špediterskih firmi.

Gosp.Šivšić predlaže da teme budu: nadležnost carinskih ispostava, korištenje carinskih garancija, radno vrijeme na CI i omasovljenje Grupacije. Prisutni su se složili sa ovim prijedlogom.

Gosp.Šivšić informiše prisutne da je danas na sastanku UO prisutan gosp.Jonuz Almir iz firme Gebruder Weiss, jer je izrazio spremnost da se uključi u rad UO, a njegovo dugogodišnje špeditersko iskustvo može svakako pomoći u rješavanju problema oko Nove naredbe vezane za nadležnosti CI.

Vezano za zaključke sa sastanka UO od 16.01.2013.g. Koji su prvobitno doneseni na sastanku sa direktorom UINO BiH od 28.12.2012.g. zaduženi kolege su pripremile

prijedloge rješavanja problema izazvanih korištenjem carinskih garancija i radnim vremenom na carinskim ispostavama.

Gosp.Vujatović je dostavio prijedlog vezan za carinske garancije, a gosp.Pehar prijedlog vezan za radno vrijeme na carnskim ispostavama, koji su ovom prilikom i prezentirani (u prilogu zapisniku).

Obzirom da je u međuvremenu nadležnost carinskih ispostava ponovo postao problem, zbog izdavanja nove ograničavajuće naredbe, i ovi problemi treba da budu tema na sastanku. Nova naredba je sporna i nedorečena u mnogim detaljima, i gosp.Kruho smatra da se mora tražiti pojašnjenje i tumačenje od UINO.

Što se tiče prijedloga vezanog za radno vrijeme CI prisutni su se složili da se vrijeme od trenutka prijave robe, pa do okončanja postupka smanji sa predloženih 4 na 3 sata.

Gosp.Pandurević predlaže da se ovi prijedlozi ne dostavljaju odmah na UINO BiH u pisanoj formi, nego da se prije toga distribuiraju što većem broju špediterskih firmi u svrhu usaglašavanja.

Smatra da na predstojećem sastanku sa UINO BiH treba pripremiti 3-4 teme koje će odabrani prezentatori predstaviti prisutnima.

Osim gosp.Pehara i gosp.Vujatovića, koji će prezentirati svoje prijedloge, prezentaciju vezano za nadležnost carinskih ispostava će obraditi i predstaviti gosp.Senad Demir. Ovoj temi će se prezentacijom o tretiranju zbirnih pošiljki u svjetlu nove Naredbe pridružiti gosp.Jonuz.

Gosp.Jonuz je predstavio primjere susjednih zemalja Hrvatske i Srbije i načine kako su oni riješili carinjenje ovih vrsta roba.

Gosp.Pandurević predlaže da na sastanku treba zahtijevati da naredba od 18.01.2013.g. ne može ostati na snazi i da u nastojanju stavljanja van snage treba biti odlučan.

## **ZAKLJUČAK:**

- **Sastaviti i uputiti 28.01.2013.g. poziv gostujućim špediterskim firmama za sastanak aa UINO BiH i UPFBiH. Dostaviti listu učesnika i teme sastanka gosp.Pandureviću. Za provođenje se zadužuje gđa Poplata.**
- **Dostaviti što većem broju špediterskih firmi prijedloge UO Grupacije za rješavanje problema sa korištenjem carinskih garancija i radnog vremena na CI u svrhu davanja mišljenja i korekcija. Poslije usaglašavanja ove dopise dostaviti UPFBiH koji će biti upućeni UINO BiH. Za provođenje zadužena gđa Poplata.**
- **Na sastanku 01.02.2013.g. prezentirati ispred Grupacije prijedlog rješenja problema vezano za postojeću Naredbu o radnom vremenu CI. Za provođenje zadužuje se gosp.Pehar Zdenko.**

- Na sastanku 01.02.2013.g. prezentirati ispred Grupacije prijedlog rješenja problema vezano za pitanja korištenja carinskih garancija Za provođenje zadužuje se gosp.Vujatović Branko.
- Na sastanku 01.02.2013.g. prezentirati ispred Grupacije prijedlog rješenja problema vezano za najnoviju Naredbu o nadležnosti CI. Za provođenje zadužuju se gospoda Senad Demir i Almir Jonuz.

### **Tačka 3. Razno**

Gđa. Poplata informiše prisutne da je gosp. Tarik Murić članica UO Grupacije Kuhne&Nagel obavijestio UPFBiH i Grupaciju da istupa iz članstva i da se dalje neće angažovati.

Gosp.Šivšić predlaže da prisutni usvoje zahtjev gosp.Murića, da se isključi iz članstva i da se usvoji prijedlog uključivanja firme Viator Vector u UO. Prisutni se slažu sa ovim prijedlogom.

### **ZAKLJUČAK:**

**Isključuje se iz članstva Grupacije špeditera-logističara i i z UO Grupacije firma Kuhne&Nagel, a uključuje firma Viator Vector.**

**Sjednica UO je završena u 12,00 sati.**

ZAPISNIČAR

Predsjednik Upravnog odbora  
Grupacije špeditera-logističara

Dženana Gorančić



Fadila Poplata

